

لما الأمل يصحى



شباك وستارة

وضيّ بيضحك

طول اليوم...

طبّطب على كتفه

وقال له: كمّل نوم...

ولّا استنى

أمتّع عيني بنظرة

قبل ما اشوفك

في الأحلام

شوقي ببسبِق

خطوة بخطوة

زي القمر البدي

ف أول ليلة

بيفرش ضي

ينور كل حوارى الحى

كان مستي

الكلمة ف سهرة

مابتعرفش الليل من بكرة

زي الأرواح لما بتحلم

تلغى العقل ما عا دى يفكر

لكن جوا القلب حنينه بيكبر

يفرح .. يفهم ...

إن الفرح مالوش مواعيد

هى النظرة، وحرف ف كلمة

يلقى الدنيا ف ساحة عيد

وبيترقَص.. وبيتمخطر

زي الفرس اتفكّ لجامه

وعاش أحلامه

وساب الدنيا لأهل الدنيا

وعاش العشق

ف كل دقيقة وثانية

وينسى النوم

يخطف نفسه لعالم تاني

يعيشه أناني

وتكثر جوّا القلب أماني

يفتح كل ستاير عمره

يمسح وشّ مراية الخوف

صحح قلبه
يعيش موال وأغانى
يبان الشوق
في عينيه ملهوف
لما ما عادش يخاف من بكرة
واللي هايجرى
لما الأمل اتفكك أسره
وكسر الحيط
لما بيربط قلبه بقلبه
بنفس الخيط
يصحى الأمل النائم بدري
ويجري.. ويجري
لحد ما يفتح باب ف الشمس

ويضحك تاتي

ويهمس همس

يخاف م النوم

يلمّ ستايره ف حضنه

ويفرح طول اليوم